

# Dom em Jepäck

Musik & Text Björn Heuser / Verlag: HEUSERMUSIK, GMO Publishing

---

Ne kleine Talismann us Silver, hatt de Omma mir jeschenk,  
do wor ich jrad sibbe Johr.  
Pass drop op, sat se zo mir, steck'en jot in et Portemonnaie,  
um hüeck es hä immer noch do.  
Duumejroß, met zwei Türm un „Kölner Dom“ enjraweet,  
wat es zickdäm nit alles passeet?

**Un ejal wo ich ben, wohin et mich trick, ich han der Dom em Jepäck.  
Un ejal wo ich ben, wohin et mich trick, ich han der Dom em Jepäck.**

Et trock mich erus, weil dat ir'ntwann sin muss, de janze Welt, die han ich jesinn.  
Un stets ahn minger Sick, en manch schwerer Zick, he dat klein, silverne Ding.  
Wenn ich ens nit wiggerwoss, nohm ich et en ming Fuus, un schon wooten Sorje janz klein...

**Un ejal wo ich ben, wohin et mich trick, ich han der Dom em Jepäck.  
Un ejal wo ich ben, wohin et mich trick, ich han der Dom em Jepäck.**

Ming Oma lurt ald längs vom Himmerspöözje zo,  
nur ihre Talismann es immer noch do...

Na, na na na ...  
Na, na na na ...  
Na, na na na ...  
Na, na na na ...

**Un ejal wo ich ben, wohin et mich trick, ich han der Dom em Jepäck.  
Un ejal wo ich ben, wohin et mich trick, ich han der Dom em Jepäck.**